

INUIT ATAQATIGIIT

Inatsisartuni



25. februar 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

1. Kuannersuarni aatsitassarsiorfissaq pillugu Kina-miut isumaqatigiissuteqarfigineqarnissaat pillugu Naalakkersuisut qanga tamanna ilisimaqarfigilerpaat?
2. Isumaqatigiissut suliarineqareersimappat imaappa avataangiisinut inunnut uumassusilinnullu innarliinnginnissaa qulakkeerneqareersimasoq?
3. Kuannersuarmi Uran-ip saniatigut aatsitaasat akuutissallu suut tunisassiariniarneqarpat?
4. Kuannersuit aatsitassarsiorfittut ammassappat ukiumut nunatta iluanaarutissai aningaasat qanoq amerlatigisut naatsorsuutigineqarpat?
5. Naalakkersuisut Kuannersuaq pillugu danskit naalakkersuisuinik ataatsimeeqatiginnittarsimani qassiunersut qangalu pisimanersut saqqummiussinnaavaat?
6. Naalakkersuisut danskit naalakkersuisuinik naapitsinatik suliaq susassaqqartunut allanut suliakkiissutigisarsimavaat?
7. Kuannersuit Uran-imik allanillu aatsitassarsiorfittut ammassappat innuttaasunik akuutitsineq qanop ingerlanneqassava?
8. Ingerlatseqatigiiffiit sorliit suleqatigalugit Kuannersuarni pilersaarut pillugu Naalakkersuisut ingerlatsippat?
9. Nunatsinni suliffeqarfiit sorliit Kuannersuarni pilersaarusiornierup ingerlanerani suleqatigineqarpat?
10. Ingerlatseqatigiiffiit sorliit Kuannersuarni aatsitassarsiornissamik pilersaarut suleqataanermikkut aningaasarsiorfigaat?
11. Ingerlatseqatigiiffiunngitsumik kisianni inuit ataasiakkaat suliffeqarfiutaannik aningaasalersuinikkut pilersaarusiornikkullu suleqataasimasut tamaasa Naalakkersuisut paasissutissiissutigisinnaavaat?
12. Narsami innuttaasut qanoq paasititsiniaavigineqarlutillu peqataatinneqartigissappat Kuannersuarni aatsitassarsiortoqalissagaluarpas?
13. Ilumoorpa Kuannersuarni aatsitassarsiorfeqalernissaa siunertaralugu INUILI Qaqortumut nuunneqassasoq 2025-imi ?
14. Thorium aamma Flour kiisalu Uran avatangiisinut peqqissutsimullu sunniutissai pillugit misissuinerit tunngavigalugit innarliinnginnissaat Naalakkersuisuniit qanoq qulakkeerneqarsimava?
15. Kuannersuarni aatsitassarsiorfissaq ammassanersaq ammassannginnersorluunniit kikkut akuerisussaavaat?
16. Kuannersuarni aatsitassarsiorfissaq pillugu danskit naalagaaffiata qanoq aningaasarsiornikkut iluaquteqarnissaa pissanersaq naalakkersuisut oqaatiugisinnaavaat?
17. Kuannersuarni nunaqavissut suliffissaat qassit naatsorsuutigineqarpat?
18. Kuannersuarni nunaqavissut suliffeqarfiutaat qassit suleqataanissaat naatsorsuutigineqarpat?

19. Sulisartut ataatsimut tikerartussat pillugit inissialiortiternikkut qanoq isumannaarneqassappat?
20. Kuannersuit ammassappata ilumoorpa Narsarsuaq aatsitassarsiortunut kiffartuussivissatut ineqarfissatullu atorneqalernissaa siunertaralugu pilersaarusiortoqartoq?
21. Kuannersuarni pilersaarut pillugu savaatilinnut naatitsisunullu sunniutissai pillugit erseqqissumik misissuisoqarsimava?
22. Kuuit eqaloqarfiit eriagineqarnissaat pillugit avatangiisitigut innarlitsaaliorneqarnissaat pillugit misissuisoqarsimava?
23. Kuannersuarni aamma Ilimmaasaq pilersaarummi qaqqat akornanni kuuit, tatsit, ivikkat naasullu avatangiisitigut sunnerneqarnissaat kisiat pinnagu aatsitassarsiornikkut eriagineqarnissaat siunertaralugu pilersaarusiornermi qulakkeerinnittoqarsimava?
24. Kuannersuarni aatsitassarsiorfeqalissappat piginnittuiit kikkuunissaat Naalakkersuisuniit erseqqissumik saqqummiunneqarsinnaappat?
25. Kuannersuarni aatsitassarsiorfeqalissappat Naalakkersuisut akueraat Narsami meeqqat inersimasut utoqqaallu Uranimik piiiarsiup qanittuani illoqarfeqarnissaat?
26. Naalakkersuisut uppersarsinnaavaat Kuannersuarni aatsitassarsiorfeqalernissaa tunngavigalugu Narsami ilinniarfik INUILI Qaqortumut nuunneqassasoq?
27. Naalakkersuisut uppersarsinnaavaat eqqarsaatersuutigineqartoq Neqi A/S siunissami Qaqortumut sumiiffimmulluunniit allamut nuunneqassasoq?

(Inatsisartuni ilaasortaq Aqqaluaq B. Egede , Inuit Ataqtigiit)

Tunngavilersuut:

Naalakkersuisut apeqqutinut akinissaat Inatsisartuni sulinermi pisariaqartuttut isigaara. Apeqqutit erseqqissumik akineqarnissaat neriutigaara apeeqquteqaqqinnissaq pinngitsoorniarlugu. Aatsitassarsiorfissatut pilersaarut qulaani apeeqquteqarninni pisara naalakkersuinikkut suliarineqarsimasoq paasinarsereerpoq. Ilaatigullu isumaqatigiissutit ingerlatseqatigiiffiit akornanni aamma ingerlanneqarsimallutik.

Kissaatigaara apeqqutit ullut qulit qaangiutsinnagit akineqarnissaat. Akineqarsimangippata sulianik malitseqartitseqqinnissaq pinngitsoorusunnarmat.